

漢名臣傳

廿二上

內閣文庫		
三八函	二二〇五	漢書類
一四架	一六〇冊	

內閣文庫		
二九〇	二三	漢書類

內閣文庫		
番號	漢	2305
冊數	160 (139)	
函號	290	43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



張鵬

漢名臣傳卷二十二

張鵬

李勣

楊永斌

梁詩正

張渠

沈德潛

譚行義

鄒一桂

張鵬列傳

張鵬四川遂寧人康熙九年進士選庶吉


士改刑部主事遷員外郎尋遷禮部郎中十

四年八月充順天鄉試同考官十五年二月

充會試同考官十九年授蘇州府知府旋丁

母憂二十二年服闋補充州府知府二十四

年



年授河東鹽運司二十五年十月內遷通政
司右叅議十一月轉兵部督捕右理事官二
十七年俄羅斯察罕擾邊我兵困之于雅克
薩城悔罪乞恩鵬翮奉使同內大臣索額圖
都統佟國綱給事中陳世安等往定界事竣
還擢大理寺少卿二十八年二月擢浙江巡
撫二十九年疏言定海自建縣設官民人漸
集捍衛必賴城垣教化必資學校倉儲監獄
亦須建立庶足壯觀瞻而副規制

詔允所請三十二年疏言浙省夏杪始雨田
雖補種獲米未能堅寔難供漕糧請將明年
輪蠲之糧于今歲免征又言紹興府屬之餘
姚上虞嵊縣台州府屬之臨海太平旱後復
遇颶風霖雨漂沒田廬並請賑濟從之三十
三年疏言出洋貿易船必需地方官印烙給
票方准攜帶軍器恐日久弊生內地商民在
外國造船攜帶軍器難以稽察請嚴禁部議
從之初鵬翮奏浙省紳民願每畝捐穀四合

方不能者聽之至是又奏杭嘉等府上年秋
收歉薄請勸輸之穀暫免一年

上諭昨歲浙省被災州縣方照例蠲豁並移
免漕糧豈有仍強令捐輸之理張鵬翮于原
題力不能輸聽從其便之語自相矛盾下部
嚴加議處尋部議革職

特旨寬免降五級畱任尋擢兵部右侍郎

命提督江南學政三十六年五月遷右都御史
疏言淮揚上年被水及今春夏之交百姓

棲止堤上以魚蝦野菜爲食茲見江蘇巡撫
宋榮揚稱鹽城山陽高郵泰州興化寶應六
州縣積水未消加以霪雨連綿麥禾未種現
委道員查勘臣思此六州縣被災既重本地
倉穀去年支賑無餘今秋成絕望該撫並未
聲明作何拯救伏祈

皇上勅該督撫或撥隣郡倉穀或捐官役俸
工買米賑濟下部議行三十七年七月遷刑
部尙書十一月授江南江西總督三十八年

春

上南巡閱視河工畢

命鵬翮扈從入京

賜朝服鞍馬弓矢先是鵬翮同刑部尙書傅喇塔察審陝西侵蝕貧民籽粒銀兩一案經戶部題覆

上諭大學士曰傅喇塔畏人懷怨草率具覆張鵬翮于此事亦稍罷軟六月

命復同傅喇塔赴陝西詳審並原任陝西巡

撫布喀控川陝總督吳赫侵蝕及吳赫與原任寧夏道吳秉謙互叅等案鵬翮等審得醴泉知縣張鳴遠涇縣知縣劉桂等因公那用同州知州蘭佳選蒲城知縣閔琇韓城知縣王宗旦皆侵蝕入已布喀控吳赫侵蝕籽粒銀及秉謙控吳赫浮開草料價值事均虛吳赫叅吳秉謙收受屬員餽送屬寔餘係捏款誣叅均擬罪如律三十九年正月回京上問鵬翮曰署總督事席爾達居官如何奏

曰居官頗優

上又問巡撫貝和諾較巴錫何如奏曰巴錫
為人鄭重貝和諾臨事精詳

上謂大學士等曰張鵬翮前徃陝西朕畱心
察訪果一介不取天下廉吏無出其右者三

月調河道總督

諭曰清黃相會之處所關最要黃水高故清
水不得通洩以致泛溢今使清水何以得出
河身何以得深尔宜努力鵬翮疏陳一撤協

理河務徐廷奎以專總河之任一撤河工隨
帶人員以免糜帑一工部與河臣事關一体
請

勅部臣毋以不應查駁事從中阻撓下部議
行四月疏言臣過雲梯閔閱攔黃埧巍然如
山中間一線之細如注下流不暢無怪上流
之潰決也于攔黃埧上流計黃河水面寬八
十三丈餘則攔黃埧亦應照丈尺折挑一律
寬深方足宣洩亟堵馬家港使水勢不至旁

漢書地理志卷二十一
五
洩俟黃水大漲開新挑之河資其暢流衝刷
淤墊則黃水入海自能暢達又言清口爲淮
黃交匯處目今糧艘北上河身淤墊竟成平
陸獨有黃河入運河臣相度形勢黃河北裴
家場引河身高爛泥淺引河地多活沙卽開
濬深通黃水大長清水不能相敵應于張福
口開引河一千五十丈深丈餘寬十丈引清
水于黃河口相近處入運使之暢達庶可敵
黃並建閘以時啟閉又言人字河自金灣

至孔家渡爲河之腰絡至芒稻山分爲二派
又名芒稻河兩岸旣狹又有土嶺二處今湖
水方盛應多集夫掘使暢流水口下有芒稻
閘年久塌壞磯心頗高宜另建以防江潮又
鳳皇橋引河從橋口至胡家樓河水絕流宜
加濬引水從王家樓入運鹽河匯入芒稻河
又雙橋灣頭二河現今同入芒稻河底亦淺
應於冬月濬使深通其灣河閘雁翅場卽宜
及時修砌此三處之水俱相繼入芒稻河流

十八里入江現在委員分修尅期竣工諸疏
俱下部議行五月疏言臣遵

旨看視海口將攔黃埧拆去河身開濬深通
四月二十一起至五月初九日工竣水勢
暢流入海且自動工來潮恬風靜得以施工
工甫畢卽長水二尺以資開放此皆我
皇上軫念民生至誠上孚海神効靈所致謹
將攔黃埧之稱

賜名大通口並建海神廟以答神庥得

旨俞允尋

上諭大學士曰前張鵬翮赴任時朕卽指示
以爲必毀攔黃埧挑濬芒稻河人字河今毀
去攔黃埧而清水遂出濬通海口而河勢亦
稍減觀此則河工大可望也觀張鵬翮奏章
詞簡而意明其辦事精詳可知矣朕昔與彼
間論時彼曾云在浙八年每歲錢糧並無缺
欠今蒙朝廷擢用之恩無可仰報惟勉令江
南錢糧每歲必期完結朕尙止之云尔勿輕

出此言迄今思之彼固有成見也是月
上命員外郎拖抗拖和中書張古禮馳驛往
令鵬翮將河工修理情形入奏鵬翮疏陳十
九款一修工葦柴多產海濱舊有運料河自
清江浦起至海口止年久淤塞應加濬深便
轉運一清水會黃入海關鍵全在六坦而六
坦最要者尤在夏家橋一坦以全湖水勢趨
此故也今夏水方盛若急于堵塞則高家堰
危險可虞且湖水洶湧恐旋塞旋冲虛費帑

金應俟水落堵塞成爲萬全一高家堰容納
七十二處山河之水古人設坦原以洩異漲
之水非以洩平槽之水也今冬六坦閉後來
年挑濬黃淮並漲宜洩湖水非坦不可前河
臣于成龍改六坦爲四滾水坦臣相度地勢
相去不遠宜併爲三就原有之草字河塘漕
河爲引河并築順水堤則田廬無淹沒之虞
一武家墩至小黃莊一帶臨河舊有石堤僅
出水面二三尺必須加高一古溝至六坦以

下俱係土堤宜改石以省歲修一清河縣運
口至高郵州界首裏河頻年黃水入運以致
河身日高水漲往往潰決宜加濬一高郵寶
應江都西岸土石堤工多爲湖水齧浸俟冬
時興工一高郵城南石堤五改爲四滾水堤
下開引河使水有去路一歸仁堤臨河石工
罅漏現飭補砌一運口至濱海兩岸堤工必
須加倍高寬以資捍禦一王家營引河飭革
職道馮佑作速挑濬深通准其贖罪一新改

中河堤岸单薄水漲可虞應勒限修築完固
一王家營減水大堤應酌開十丈餘洩黃河
漫水由鹽河出一桃源縣黃河南岸堤工近
長湖一帶土堤四千二百餘丈應加培高厚
一駱馬湖口正對有竹絡堤節宜黃湖大漲
今黃湖身高去歲漫缺二次黃河灌駱馬河
口滙入中河亟宜堵築以禦黃水一王家營
缺口月堤单薄應培修高厚以作正堤一徐
城對岸沙嘴挺入河心二里應挑掘以殺大

溜之勢郭家嘴舊有石工至北門迤西臣率
河員相度自北至段家莊加砌石工可保城
池且免歲修費蘇家山石嘴挺出河心致韓
家山潰逼徐城應自楊家樓至段家莊築月
堤以作重門之障一黃運堤岸有領裕興修
者有捐工典修者勒限完築一徐邳睢寧宿
遷桃源清河山陽安東等州縣黃河險工應
支歲修錢糧進埽防護飭河官當伏秋二汛
晝夜防守疏入

詔下部速議行六月又條奏河工九款一堤
工宜堅築加帮之堤應將原堤夯杆再加新
工創築之堤先將平地夯深務期堅固一運
河中河因頂衝處湍急恐傷土堤是以排椿
鑲壓用整木柴令用整料截開粉飾外觀嗣
後務與原估尺寸相符一湖河堤岸有馬牙
梅花等椿而裏釘頭等石鉄釘鉄局米汁柴
灰等料必依法修砌方能永久一歲搶各工
不無虛冒牽混之弊嗣後呈報險工估計申

詳如係假捏卽以謊報題恭一挑河工程務
將挑出之土堆于原估堤工夯礮成堤以資
捍禦不許將散土堆集滋假河之弊一平常
工料俱用龍尾埽遇風浪立見塌卸虛糜帑
金應行停止一河水頂衝處對岸必有沙嘴
挺出此由河曲之故從曲處挑引河以殺水
勢誠有如此

聖訓指示者而河員不卽遵行則以挑引河
後必引大溜始能成河若水緩沙淤例應賠

修因之人心畏縮臣思河工不加式者理應
賠修若實心任事偶致淤墊者應請

聖恩豁免一實心任事之員工賊日優敘卽
用否則嚴加治罪一挑河築堤用夫動至數
千寒暑風雨極其勞苦工成日應給印票免
其雜徭以上各條仰請

天語申飭勒石河干永遠遵行得

旨覽奏河工弊端詳悉切要極其周備下九
卿議尋議如所奏

上日張鵬翮遇事精勤從此久任河務必能
有益九月疏言前任河臣于成龍于四堡挑
濬引河由胡家溝出黃河臣勘閱胡家溝迤
東地勢頗高若在涵洞口至老堤頭迤東出
黃河地勢低窪自涵洞口至九龍廟現有舊
河至黃河邊止可挑引河于黃河縷堤出水
之地建造石閘臨河處修築草埧以防黃水
倒灌再于歸仁堤五堡建磯心石閘于引河
兩岸築束水堤洩歸仁堤之水出黃河可以

冲刷河身保護田廬得

旨張鵬翮所奏歸仁堤修築事宜甚為合理
應及今年黃河水小興工十月疏言武家壑
至小黃莊加砌工舊椿多壞必須拆修堅固
今于舊殘石工上疊柴壓土以為越埧費省
而工速此工除撥銀四十萬兩外尙有不足
銀十八萬六千二百四十八兩有奇請
勅部撥給得

旨著照該督所請張鵬翮每事寔能宣力朕

不之信將誰信耶又疏言新中河必全身挑
濬兩岸子堤必全行培築需費頗多而河頭
灣曲糧艘經行不順舊中河自三義埧下至
仲莊閘十五里河身甚深南岸河身散漫難
築子堤且距黃河最近今議于三義埧將舊
中河築堤一道改入新中河則舊中河之上
段與新中河之下段合爲一河糧艘通行無
滯得

旨張鵬翔所議中河事宜甚當著照所奏行

十二月疏言臣遵

聖授方略次第舉行先疏海口水有歸路黃
水不出岸矣既挑芒稻河引湖水入江高郵
寶應等處水由地中行矣再闢清口開張福
口裴家場引河淮水有出路矣加修高家堰
堵塞六埧逼清水復歸故道今清水大半入
黃少半入運一水兩分若有神助請加河神
封號下所司知之又疏言黃水下流最溢處
無如安東便益門及韓家莊兩岸僅距六十

餘丈兼以時家馬頭至伊家莊河身過曲沙洲逼漚南北互有衝激應于兩處沙洲中開引河二使黃流直下以固城池又言下河水勢漸消惟興化積水一時不能全退臣相度形勢高郵寶應山陽鹽城之水宜疏蝦鬚二溝引入滕隴河以達于海鮑家莊至白駒口地高水壅宜挑濬深通引河由白駒場入海再挑撈魚港引河入海挑老河口引水入湖挑稻子河引水由苦水洋入海加以比劃有去

路積水可消矣並從之是年遵

旨詳議給事中慕琛條奏科場事宜鵬翮奏江浙等省既編南卷山陝等省既編北卷又將雲南貴州四川廣西四省各編字號卷數甚少分晰太明不肖者易通關節應將四省編入南卷至監生回籍鄉試一段臣思監生作弊自有防之之法平時責令祭酒力行考課考課不缺者准其入場臨時入監者不准則弊無從出矣四十年正月疏言臣按河南

志清口至淮安建有五閘遞相啟閉以防河
淤又慮水發湍急難于啟閉則築堤以遏之
每歲糧艘過盡卽于閘外築堤以遏橫流則
是伏秋黃水倒灌自古已然今運河初濬海
水出黃轉盼伏秋二汎繼至卽宣洩之道不
可不急籌也今于張福口裴家場中間開大
引河一道并力敵黃若黃水大發則閉裴家
場口門使清水由文華寺入運河倘運河水
大山陽一帶由涇潤二河洩水實應一帶由

子嬰溝洩水

射陽湖入海高郵一帶仍

由城南栢家墩二大堤洩水江都一帶由人
字河鳳凰橋等河洩水入江若遇黃淮並漲
清水由翟家堤天然堤洩水黃水由王家營
減水堤入鹽河至平旺河入海若糧船過完
黃水大發則閉攔黃堤使不得倒灌黃水不
漲則堵塞運河頭堤今清水全入黃河官民
船照例盤堤卽古人設天妃閘之意也疏入
上嘉其得治河秘要時江西巡撫馬如龍以

年老乞休

諭大學士曰馬如龍雖年老居官尙好督撫之任如張鵬翮李光地居官更有何議張鵬翮自到河工在署之日甚少每日乘馬巡視堤岸不憚勞苦朕深知之三月鵬翮以河工情形遣郎中王進楫入奏

上諭進楫曰尔往諭張鵬翮高家堰須加意防守必歷夏秋至冬清水照常流通斯爲有濟于事鵬翮增築高堰月堤及時家馬頭童

家營陳家莊龍潭口歪枝套辛家蕩邢家河馬家港等處堤垠尋洪澤湖溢泗洲盱眙被災

上以修治善策詢之鵬翮並飭會同江南江西總督阿山詳勘尋鵬翮奏泗洲盱眙水災自古已然卽六垠全開亦不能免且自閉六垠高郵寶應興化泰州山陽鹽城等處田地涸出民得耕種皆河伯效靈所致

上曰堵塞六垠乃前河臣于成龍題請不是

張鵬翮始頃因泗洲盱眙被水令同阿山設
法修治作何賑濟蠲租並非欲開六埧救泗
洲盱眙之民而令淮揚百姓罹于水患也張
鵬翮奏章昏曠已甚可將朕諭旨並張鵬翮
奏章刻示于淮安揚州泗洲盱眙等處令眾
人觀看四十一年正月奏清河縣陶莊閘南
岸有挑水埧溜入引河直走北岸逼近黃河
綫堤請築創埧並將臨河綫堤及護城堤皆
加高厚又於黃河南岸挑水埧西添築創堤

並改建運口爲石閘以省煩費又因天妃閘
塘基低窪改築運口草埧北建大石閘東西
各築緯堤于舊堤衝破處建草埧以固堤束
水清河縣黃河南岸卞家汪家險工當黃淮
二水交衝之處內臨積水深潭中僅一線土
堤請改建石工下部議行六月桃源城西煙
墩黃水大漲積水未退堤根甚危鵬翮加築
近城越堤捍衛城垣八月疏言煙墩對岸沙
灘挺出河心逼溜南行恐被衝刷請於邵家

莊開引河建草埧分水勢又顏家莊水勢逼射北岸亦請開引河一道則水順流而險工不受衝矣

上諭大學士等曰此本若飭部議必致遲延著卽照所題行尋鵬翮題秋水情形

上曰覽奏挑水埧築城逼黃河大溜直趨陶莊引河循北岸而行黃水從大通口暢出海口極其深通淮水從清口暢流敵黃絕無黃流倒灌之患高家堰埧工完固加謹防守經

伏秋大汎俱獲無虞運河之水由涇瀾甘稻河人字河分洩各處工程亦皆保固觀此則河工大有望矣四十二年春

上南巡周視河工

賜御製河臣箴淮黃告成詩並

賜鵬翮父張煊鮐神清養志松齡匾額二月上以山東泰安沂州等州新泰蒙陰郟城等縣民飢

命漕運總督桑額以漕米二萬石交鵬翮選

賢能官運至濟寧州兗州府等處減價平糶
有應賑處卽行賑濟鵬翮委河臣程兆麟等
動用倉穀二十八萬餘石散賑疏稱將山東
各官俸工補還

上命鵬翮與河員及山東巡撫以下各官分
派于四十四年四十四年內賠完嗣

上復面責之曰爾常以經義奏對經義以本
心爲要尔河工人員動用常平倉穀賑濟邀
取名譽及令低價則委之山東官員于心忍

平鵬翮叩首謝罪十月

諭吏上二部曰張鵬翮在河數載殫心宣力
不辭艱瘁又清潔自持朕心深爲嘉悅尔部
議敘具奏尋加太子太保四十四年二月疏
請修理徐州城外石堤及山安黃河北岸三
套堤工建築越堤並從之先是康熙三十六
年六月時家馬頭河決至三十九年五月堵
築未就鵬翮疏叅山安同知佟世祿冒帑誤
工應革職追賠

欽定四庫全書

五

漢名臣傳卷二十二

詔鵬翮嚴訊嗣世祿叩
闡訴鵬翮枉縱交江南江西總督阿山河南
巡撫徐潮會審阿山等以時家馬頭承修銀
兩應于佟世祿追賠馬家港東堤被衝張鵬
翮雖經題報未將承修官賠補處聲明應令
鵬翮與疎防等官均賠未幾世祿復叩
闡控訴

上遣戶部尙書徐潮等覆審係誣叅世祿復
職鵬翮巧飾供詞失人臣禮應革職淮安道

王謙附會山安同知裘陳佩欺隱應罰賠各
擬杖徒又工部侍郎趙世芳議鵬翮奏銷錢
糧浮冒十三萬餘兩應交刑部治罪九卿等
以如所議奏

上曰此案依前議張鵬翮量甚窄斷不認錯
河工錢糧原不限數一年水大則所需者多
水小則所需者少謂張鵬翮小有所取亦未
可知謂以十三萬兩入已必無之事也河工
恃乎用人張鵬翮所用之人皆不勝事故至

如此耳趙世芳奏事不公本發還三月
上南巡

諭鵬翮曰朕至清口見黃水倒灌因以問爾
爾赧然不能答反稱不曾倒灌此卽尔毫不
認錯也尔居官固好卻爲王謙張弼所欺頃
令河工應追錢糧着佟世祿王謙張弼均賠
部議甚明尔又奏請欲免其追賠開捐納以
補原項此特因王謙亦在數中希圖爲之脫
免耳鵬翮不能對又

諭曰王謙爲人刻薄人人怨恨尔卻偏信任
其恣意妄行以致人心不服朕非不知尔在
河工能任勞苦但聽信屬員流于刻薄從來
大儒持身當如光風霽月何況大臣受朝廷
委任必須爲國爲民事事皆有寔濟若徒飲
食菲薄自表廉潔于國事何益耶閏四月
御舟渡黃河閱九里崗嘉鵬翮修理得法
賜御製詩扇七月淮黃並漲古溝塘壅清水
溝韓家莊四溢鵬翮疏入得

諭今春朕諭張鵬翮大水時發難以逆料須
晝夜防護今古溝等處堤岸衝決河工將有
復壞之勢此事著九卿科道速議具奏尋議
鵬翮不預籌開堤之期力盡防險之法應革
職帶罪督修

諭令革職畱任于是鵬翮督率河員盡力堵
塞于九月次第竣工四十五年十一月疏言
黃河萬里來源滙聚百川至清口與淮交會
總因眾水歸併一河來源多而去路少一時

宣洩不及所以兩年水長堤工危險臣率河
員往來勘議會云去路一暢則來可容受惟
有遵

旨預開鮑家營引河俾黃河異漲藉此減洩
黃河一帶工程可以保固洪澤湖異漲藉此
暢流高家堰工程得平穩矣再于中河橫堤
建草堤二于鮑家營開引河處建草堤一相
機啟閉中河亦不虞淤塞矣下部議從之初
鵬翮同江南江西總督阿山漕運總督桑額

奏開濶淮套河屢請

上親臨指示四十六年二月

上閱視濶淮套問鵬翮曰尔何所見奏開濶
淮套鵬翮奏曰先因降通判徐光啟呈開濶
淮套圖樣臣與阿山桑額會同具奏恭請
聖駕躬閱定奪

上曰今日沿途閱視見所列標竿錯雜問尔
全然不知河工係尔專責不畱心可乎鵬翮
不能對免冠叩首

上因顧諸臣曰阿山等奏稱于濶淮套另開
一河出張福口分淮水免洪澤湖之異漲保
高家堰之危險繪圖進呈今朕從清口至曹
家廟見地勢甚高不能直達清口與圖樣迥
別且所立標竿多在人坟墓之上依此開河
不惟壞民田廬甚至毀民坟墓張鵬翮以讀
書人而爲此殘忍之事讀書何爲又
諭鵬翮曰奏濶淮套開河非地方官希圖射
利卽河工官員妄冀陞遷至河工効力人員

無一方正者何故置雷河江鵬翮奏曰臣誤
聽小人罪寔難辭逾數日
上又嚴飭之下九卿科道議罪尋議鵬翮草
職阿山草任桑額同安徽巡撫劉光美江蕓
巡撫于準降五級調用
上諭大學士曰聞駭視溜准套之時張鵬翮
桑額皆謂不可開阿山強謂可開公同奏請
著將阿山草任張鵬翮去所加宮保桑額降
五級劉光美于準各降三級俱從寬畱任四

十七年九月疏奏黃運湖河修防平穩得
旨張鵬翮自任總河以來朕指示修築工程
殫心盡力動用錢糧絕無糜費比年爾河安
定堤岸無虞深爲可嘉所帶草職著與開復
應追銀兩俱著豁免十月內遷刑部尚書四
十八年二月調戶部尚書四十九年正月奉
命往江南審布政司宜思恭覓收錢糧勒索
火耗並收受屬員餽送得寔擬絞巡撫于準
並不糾劾擬革職從之五十年三月鵬翮以

父逾八十請假省親得

旨鄉簡任司農清勤恪慎積弊削除部務閔
係緊要聞卿父精力尚健不必急請歸省五
十一年十一月復

命赴江南審賄中舉人程光奎吳泌時江蘇
巡撫張伯行疏叅總督噶禮通同舞弊于科
場索銀五十萬兩噶禮亦砌款劾伯行

命鵬翮同總漕赫壽察審尋奏副考官趙晉
與吳泌程光奎賄通閔節屬寔擬罪如律

禮劾伯行不能清理案件是寔餘屬苛劾應
降一級畱任伯行劾噶禮索銀全虛應革職
贖徒

上切責鵬翮等掩飾和解

命尙書穆和倫張廷樞再往嚴審事詳伯行
傳五十二年二月充順天鄉試正考官十月
調吏部尙書先是張伯行疏劾布政使牟欽
元匿通洋匪徒張令濤

上草欽元職下總督赫壽察審赫壽奏令濤

與海賊合夥無証據欽元署中亦無令濤五
十三年十月

上命鵬翮及副都御史阿錫至江南審理
鵬翮等以伯行証叅具奏

上責鵬翮等不能盡心審明原委令再詳審
五十四年五月鵬翮等叅伯行巧飾奸欺得
旨張伯行著革職看守審理七月奏伯行自
認誣叅應復欽元職從之又奏伯行誣陷良
民妄生異議應斬

上命伯行免罪來京詳伯行傳十一月丁未
奏尚書富寧安勦策妄阿拉布坦

論鵬翮暫畱辦部務俟富寧安回京再回籍
守制五十七年充會試正考官六十年復充
會試正考官會汶水旱涸運道梗塞奉

旨往勘疏言臣會同河道總督趙世顯巡撫
李樹德查勘戴村埧邊汶水出南旺南北分
流濟運舊設玲瓏亂石滾水三埧年久汕刷
應補葺以資捍禦再山東運道全賴汶泗二

水上流泉源接濟今天旱泉微蜀山馬踏南
旺諸水無多臣等遵

旨將坎河雞爪等泉疏濬并嚴禁民間偷截
灌田補築諸湖子堤禁侵種蓄湖水毋致乾
涸至南旺分水口係南北分流水脊爲運道
要區臣等遵

旨妥辦淺于南則閉北開使分北之水歸于
南淺于北則閉南開使分南之水歸于北
至事富明德御史梅琮駢分水龍王廟以時

啟閉再于彭水南岸建挑水埧一北岸截去
沙嘴挑盡淤沙使水挾沙暢流直入微山湖
則蓄淺有資運道自無阻滯再查邳州邱家
樓一帶低窪之水並無積滯太行堤延滾數
百里其曹單豐沛等縣坍塌處交河道總督
及直隸河南巡撫修築下部知之九月直隸
總督趙宏燮奏河南武陟縣黃沁衝決堤岸
水溢至長垣等處山東巡撫李樹德奏河水
泛溢自直隸開州流入山東張秋等處由塩

漢名臣傳卷二十二
河入海致運河堤決漕船阻滯

命鵬翮同總漕施世綸查勘十二月鵬翮等
疏言臣等由山東張秋循流而上查黃河決
口在武陟縣之釘船幫支河口衝入詹家店
之魏家莊及馬營口今副都御史牛鈕河南
巡撫楊宗義于支河口築攔水埧魏家莊已
經堵塞馬營口水已消落指日成功其引沁
入運之處臣相度地勢西北高而東南下若
引水直下恐牽動全沁灌入堤內而黃河直

躡其後反覺無益山東運道在張秋則有沙
河等水分水龍王廟則有南旺等湖濟寧則
有馬場等湖又有諸山泉本可濟運祇因湖
堤殘缺民間竊種湖旁之地未得蓄水而諸
泉壅塞又未疏通以致漕船時患淺澁臣等
已交李樹德築堤蓄水疏濬泉流運道自可
通利得

旨回奏甚屬明晰即令照依所奏不得稍有
更改六十一年十二月加太子太傅雍正元

年二月授

武英殿大學士

賜御書嘉謨偉量匾額六月河南黃沁漫溢
決馬營口奉

命查築三年二月進明臣鄧鍾所著籌海重
編未幾卒遺疏入得

旨張鵬翮秉性孤介持躬廉潔前任總河懋
著勤勞入領銓曹恪謹供職因効力有年簡
任機務近值請假養疾遣醫診視必整肅衣

冠極其恭敬忽聞溘逝朕心深為軫悼著加

少保于卹典定例外再加祭一次

諭致祭日

命大小漢堂官給事中御史齊集

賜全塋諡文端八年

詔祀賢良祠

李勳列傳

李勳貴州鎮遠人由行伍隨勦謬冲花苗拔

把總尋授于總雍正十二年遷古州鎮標右

漢名巨傳

卷二十一

漢名臣傳卷二十二
營守備十三年台拱九股生苗不法勦隨副
將軍董芳由清江進攻燬賊寨力戰被創尋
隨經畧張廣泗勦羊吊洞里羊色等處並會
勦牛皮大箐均在事有功乾隆二年調郎洞
營守備三年遷荔波營遊擊十二年遷雲南
元江營叅將十
撫標中軍叅將十五
年遷湖北施南協副將十七年擢福建汀州
鎮總兵二十四年調貴州古州鎮二十五年
擢湖廣提督三十三年三月疏言辰州協自

雍正七年設副將一都司一守備二駐府城
控制土苗數十年來苗民久稱恭順接壤沅
州鎮筵永順常德寶慶雖係次要苗疆寔與
內地無異除有營守備現分駐辰溪外請裁
左營守備部議從之時緬匪肆擾調勦雲南
提督四月奏由普洱親往孟艮查拿逆酋名
散等

諭曰所奏頗中事機勉爲之但汝年老若外
域瘴氣稍重不妨卽在普洱督理一切六月
漢名臣傳卷二十二

奏由普洱馳赴孟艮率摠兵劉德成華封等
清釐舊堡塞防要隘矜獲名散之兄名猛養
及其孥並名猛至名猛珍等沿邊夷民投誠
俱安置得所

先是御史周於禮奏湖廣江西及雲南
流民因開礦失業多竄孟艮附緬匪

命勦查奏八月奏再四訪查實無漢奸踪跡

奉旨申飭於禮

天保三

